



26.10.2018

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

**1. Nuummi Sisimiunilu eqqakkanut ikuallaavinnik sanasoqalerpoq. Eqqarsaataavoq eqqakkat nunatsinneersut tamarmik taakkununga assartorneqartalissasut ikuallatassanngorlugit. Tassunga atatillugu Naalakkersuisut Royal Arctic Line A/S assartuitittarniarnerlugu imaluunniit eqqakkanik assartuisarnissaq tamanut suliariumannittussarsiuunneqassava?**

**2. Eqqakkanik assartuineq tamanut suliariumannittussarsiuunneqassappat tassunga atatillugu iluaqutissat akorngutissallu suut Naalakkersuisut takusinnaavaat aamma tamanna pisinnaava imaatigut assartuineq pillugu inatsit maannakkut atuuttoq naapertorlugu? Inatsimmi periarfissaqartinneqarpa immikkut akuersissuteqartoqarsinnaanera assartuisartut allat Royal Arctic Linep saniatigut assartuineramik isumaginnittussanngortinneqarsinnaaqqullugit?**

**3. Naalakkersuisut allanik suliamut soqutiginaatilinnik paasisutissiisinnaanerlutik?**

(Inatsisartunut ilaasortaq Randi Vestergaard Evaldsen, Demokraatit)

**Tungavilersuut**

Demokraatini qilanaaraarput Nuummi Sisimiuni ikuallaaviit nammassineqarnissaat, qularinnginnatsigu eqqortumik avatangiisillu illersoqqissaarlugit eqqagassalerisoqartalerumaartoq.

Taamaakkaluartorli eqqumaffigisassaavoq tassunga atatillugu assartugassanik piareersaaneq aqutsinerlu pisariusorujussuusammaata eqqagassat illoqarfiit pineqartut marluk akornanni assartorneqartalerpata. Suliassaq ajornerpaamik pisoqassappat avatangiisinik mingutsitsinnginnissaq innarlerneqarsinnaavoq ikuallaanermi, CO2 annerusoq aniatinneqartartussaammat eqqakkat assartorneqarneranni.

Taamaattumik tamanna tungavigalugu Demokraatit isaanni pingaaruteqarpoq aallaqqaataaniilli eqqarsaatigissagippat assartuineq qanoq ingerlanneqartassanersoq minnerunngitsumillu kiap assartuineq



**DEMOKRAATIT**  
DEMOKRATERNE

isumagisassaneraa.

Suliaq Roayl Arctic Lineq A/S-umut pisarnertut isumagisassanngortinnagu Demokraatini piuaneruarput suliassaq kikkut tamat peqataaffigisinnaasaannik sulariumannittussarsiuunneqassasoq. Isumaqarpugut akikinnerpaassasoq aamma assartuineq mingutsitsinertaqannginnerpaassasoq.

Qilanaarpunga apeqqutima akissutaasa tigunissaannut ullut sulliviit qulit iluanni.